

僧伽斯那所撰菩薩本緣經

僧伽斯那所撰菩薩本緣經

吳月支優婆塞支謙譯

僧伽斯那所撰菩薩本緣經卷第一 聚一

吳月支優婆塞文謙譯

毗羅摩品第一

若心陥劣者 雖多行布施 受者不清淨
故令果報少 若行惠施時 福田雖不淨
能生廣大心 果報無有量

我昔曾聞過去有王名地自在受性暴惡好
行征伐時有小國八萬諸王首戴寶冠常來
朝侍其王口惡身行無善常爲非法侵凌他
境王有輔相大婆羅門修清淨行智人所讚
口言柔軟不宣麤惡有所造作能速成辦面
目端嚴爲世所敬四毗陀典靡不綜練諸婆
羅門所有經論通達解了無有遺餘是時輔
相年已衰邁遇病未久奄爾即世王及人民
聞其終歿心生懊惱思慕難忍時王思念不



清刻龍藏佛說法變相圖

去須臾即爲臣民而說偈言
如何此大地 一旦無人治 如海無主船
隨風而東西 我所尊敬者 出家已成就
口善言柔軟 常能利益世 如何便終歿
令我心惱悶 猶如無燈明 而入於闇室
爾時諸臣即白王言唯願大王寬意莫愁勿
謂國中更無有任爲輔相者是婆羅門雖復
命終其子年幼聰明黠慧顏貌端正世無及
者發言柔軟悅可衆心修行忍辱心常寂靜
無有嬌慢貢高自大博學多聞無書不綜利
益衆生猶如梵王名毗羅摩唯願大王即命
此人以爲輔相時王答言彼若有子如汝說
者我從昔來所未曾聞諸臣復言大王是婆
羅門子常求正法離於邪法愛護己法未能
爲人王即答言子若是才人何得違毀先人

家法若離先業則不得名求正法者是人先
父常以正法佐吾治國能令吾等遠離衆惡
雖作如是治國理務終不破失婆羅門法如
其彼人如汝說者便可召來諸臣奉命即遣
使者召毗羅摩將詣王所到已就座斂容而
踞說如是言大王今日以何因緣而見顧命
聚一王即答言汝不知耶我之薄祐汝父輔相不
幸薨殞大地傾喪人民擾動我爲之憂其心
迷悶時毗羅摩即白王言夫愛別離非王獨
有如此皆是有爲法相也大王昔來不曾聞
耶若天龍鬼神阿脩羅乾闥婆迦樓羅緊那
羅摩曇羅伽沙門婆羅門若老若少悉無得
離是終歿者大王一切衆生決定有之大王
譬如火性悉能燒然一切之物無常之法亦
復如是悉能壞滅一切衆生王不知耶是老

病死能喪衆生如四衢道頭華果之樹常爲多人之所抖擗大王譬如駛河常流不停衆生壽命亦復如是大王如金翅鳥投龍宮中搏撮諸龍而食噉之亦如師子在獐鹿群威猛如我曾聞菩薩往昔已來因緣墮於龍中受三毒身所謂氣毒見毒觸毒其身雜色如七寶聚光明自照不假日月才貌長大氣如排風其目照朗如雙日出常爲無量諸龍所繞自化其身而爲人像與諸龍女共相娛樂住毗陀山幽邃多諸林木華果茂盛甚可愛樂有諸池水八味具足常在其中遊止受樂經歷無量百千萬歲時金翅鳥爲飲食故乘空束身飛來欲取當其來時諸山碎壞泉池枯涸爾時諸龍及諸龍女見聞是事心大恐怖所服瓔珞華香服飾尋悉解落裂在其地

聚一
三
諸龍夫人恐怖墮淚而作是言今此大怨已來逼身其策金剛多所破壞當如之何龍便答曰卿依我後時諸婦女尋即相與來依龍復念言今此婦女各生恐怖我若不能作擁護者何用如是殊大之身我今此身爲諸龍王若不能護何用生爲行正法者要捨身命以擁護他是金翅鳥之王有大威德其力難堪除我一身餘無能禦我今要當捨其身命以救諸龍爾時龍王語金翅鳥汝金翅鳥小復留神聽我所說汝於我所常生怨害然我於汝都無惡心我以宿業受是大身稟得三毒顧有是力未曾於他而生惡心我今自忖審其氣力足能與汝共相抗禦亦能遠焰大火投乾草木五穀臨熟遇大惡雹一切衆生在三界中流迴死法亦復如是大王如是死

法非以親近財貨求贖軟言誘恤而可得脫
亦不可以四兵威力逼迫禦之令其退散是
故當知如是死法決定而有是衆生常法以
是義故大王於此不應生憂時王聞已心生
歡喜復向諸臣說如是言未曾有也如是童
子年雖幼稚乃說先宿耆舊之言時王即語
毗羅摩言汝不知耶汝之先父愛護於吾猶
如赤子是故我今感其恩重憂愁迷悶吾今
輕弱頑嚚無智如汝所說吾永無分汝今若
見垂顧矜哀願紹先嗣纂繼家業我當誠心
盡壽歸依時毗羅摩即作是念我今如何一
旦對至今聞此言莫知所作猶如羸人步涉
高山復作是念今者承嗣毗輔國正於諸人
民雖多利益然我所修純善之法則爲虧損
君治國土稱萬姓心當有無量諸過患事所

謂刑罰劫奪他財威凌天下或擯或驅要當
隨王行如是法若行正法我善則損今我若
欲修行善法則不上稱大王聖懷若稱王法
善法日衰作是念時王復白言大師今者何
所思慮時毗羅摩即答王言我今所念當以
何術令王身及國人民悉得利益無諸衰耗
亦復思惟王與國人福德過患若先行善後
行於惡則不名人大王若爲實語而作怨憎
不爲詭言而作親厚寧爲說正法墮於地獄
不說邪詔生於天上大王我今思惟籌量是
事大王若有人能思惟是義當知是人則能
利益一切衆生王聞是語心生歡喜復作是
言大師我等若能如是行法所修善法則爲
不損時毗羅摩即奉王命慕承先父輔相之
業然後漸漸勸化是王及八萬四千小王修

持正法亦令其國所有人民皆捨遠惡不貪五欲時王修行無量善法如毗羅摩等無差別也時毗羅摩見王如是心生歡喜而作是言我今已爲修治國土然我善法無所衰損復作是念我今當以何等因緣勸諸衆生悉令安住阿耨多羅三藐三菩提道然諸衆生受性不同或欲聞法或貪財貨或嗜五欲或樂愛語或好憒鬧多人親附或好隨逐善人之行或樂多受心無厭足我今幸有大智方便悉能攝取一切衆生安止住於阿耨多羅三藐三菩提我亦復有餘方便譬如日出雖能照了一切天下然不能爲盲者作明我亦如是雖復能爲一切衆生說無上道然不能爲無慧目者而作利益我今復當以衣服飲食而給足之令其飽滿心歡喜已然後復當

爲之說法令其信受時毗羅摩思是義已即至王所作如是言我今已爲無量衆生作法事已聚集三法所謂修行正法聚集錢財所願成就則令一切國土安樂無有怨讐正法增長猶如初月好名流布八方上下唯願大王聽我修行無上正法爾時大王聞是語已心生驚喜衣毛爲堅白言大師諸欲所作願具告勅毗羅摩言我今欲作一切大施施中所須願爲我辦爾時大王即於城外安曠之處莊嚴施場唯願大王善言誘喻諸作使者無令於我而生瞋恨爾時大王及給使者皆悉歡喜敬意供辦飲食所須尋於諸方擊鼓宣令若諸衆生凡有所須衣服飲食卧具醫藥象馬車乘香華瓔珞末香塗香舍宅燈明悉來集此當相奉給復說偈言

我爲利益 諸世間故 隨諸衆生 所須之物
乃至身體 手足肉血 捨離之時 猶如草芥
汝等若受 是供養時 則當一心 思惟善法
受供養已 不應貪著 當以善法 利益一切
若以我力 能速涅槃 以爲衆生 流轉生死
是故久住 不取涅槃 無量衆生 隨老死獄
我欲拔之 永離遠離

時毗羅摩菩薩摩訶薩所設供具令無量百
千萬億衆生隨意所須悉得充足善言說法
諸大德我今忘身以憂汝身汝等今已受我
供養好自利益當觀正法若死至時雖有父
母妻子親族無量財寶不能令命住一念頃
及其命盡獨至他世父母妻子親族財寶無
隨去者唯有業行不相捨離復爲大衆而說
偈言

爲父母親族 修行於惡法 命終墮三趣
無有隨逐者 於今現在世 若受苦惱時
雖有父母兄 不能受少分 況於未來世
而當有代者 是故當一心 莫爲他行惡
諸大德汝等今身安隱無患所謂衰老肺病
疾逆頭痛已無是病當勤修行一切善法是
毗羅摩菩薩摩訶薩以二攝法攝取衆生所
謂財法滿九十四日過夏已訖奉施嚙願所謂
金盤具足八萬盛以銀粟八萬銀盤盛以金
粟八萬小牛八萬乳牛悉從一犢是一牛
乳日一斛純以白氈纏覆其身金角銀蹄莊
嚴映飾八萬童女形體端正金寶瓔珞以自
莊嚴一一女人有一侍女供給使令今皆淨
潔是諸女人各有一牀或金或銀瑠璃玻瓈
象牙香木種種茵蓐以敷其上牛車八萬象

馬八萬及諸倉庫錢財珍寶不可稱計如是等物悉莊嚴已而作是念今是施物將無少耶爾時菩薩爲諸婆羅門說如是言汝等當知我今集聚如是種種金銀女人車乘象馬倉穀珍寶正爲汝等幸可少時寂然無言聽我所願然後隨意共分而去爾時一切諸婆羅門寂然無聲是隨菩薩爲諸衆生自諫其心汝心所作常求果報猶如獮猴入於稠林而說偈言

我今所布施 普爲諸衆生 如是之布施實不望其報 願悉施衆生 等受於快樂以汝貪善故 久在於天上 亦以貪惡故久住於地獄 復以貪著故 作此大施主或作貧窮人 或行於大施 或時以自在守則而慳貪 或以自在故 自墜於貧苦

或復以縱逸 久在於生死 輪轉無窮已猶如輪轉地 我在久遠來 隨順敬事汝雖作如是事 不能令汝喜 汝今當安住不動寂靜中 我今所布施 悉爲諸衆生爾時毗羅摩菩薩即以右手執持澡罐以大慈悲薰修其心憐愍一切諸衆生故涕泣流淚而作是念我今所施不爲梵王摩醯首羅釋提桓因假使更有勝是三者亦不希求唯求佛道欲利衆生斷諸煩惱我今當捨己身妻子奴婢僕使珍寶舍宅唯求解脫不求生死我今所施柔軟女人願諸衆生於未來世悉得斷除所有貪欲今我所施五種牛味願諸衆生於未來世常能惠施他人法味今我所施如是敷具願諸衆生於未來世悉得如來金剛座處我今所施種種珍寶願諸衆生

卷一

於未來世悉得如來七菩提寶作是語已從上座所循行潔水而水不下猶如慳人不肯布施爾時菩薩即作是念今此潔水何緣不下復作是念將非我願未來之世不得成耶誰之遮制令水不下將非此中無有大德其餘不應受我供耶或我所施不周普耶或是我僕使不歡喜耶將非此中有殺生耶我今定知不因衆生我今所施亦是時施亦不觀_{第一}來是受非受而此罐水何緣不下爾時菩薩見婆羅門爲此諸女生貪嫉心而起瞋恚各說言彼女端正我應取之汝不應取彼牛肥壯我應取之汝不應取金銀繁粟乃至珍寶亦復如是爾時菩薩見諸婆羅門貪心諍物互相瞋恚即作是言是諸受者貪欲瞋恚愚癡亂心不能堪受如是供養如車軸折輻

輶破壞不任運載我亦如是種子良善而田薄惡以此受者心不善故令是潔水不肯流下我今雖作如是布施亦無有人教我令發阿耨多羅三藐三菩提心而我自爲一切衆生故發是心今當自試若我審能愍衆生者罐水當下即以左手執罐瀉之水即流下菩薩右手諸婆羅門見是事已各生慚愧離所施物修行梵行諸婆羅門尋共稽首求請菩薩以爲和尚菩薩憐愍即便受之教令修學四無量心以是因緣命終即得生梵天上令無量衆生發阿耨多羅三藐三菩提心菩薩摩訶薩行檀波羅蜜時不見此是福田此非福田亦不分別多親少疑是故菩薩若布施時或多或少或好或惡應以一心清淨奉上莫於受者生下劣心

一切施品第二

一切諸菩薩 爲利衆生故 捨棄己身命

猶如草糞穢

如我曾聞過去有王名一切施是王初生即向父母說如是言我於一切無量衆生尚能棄捨所重身命況復其餘外物珍寶是故父母敬而重之爲立名字字一切施從其初生身與行施漸漸增長譬言如初月至十五日其

後不久父王崩背即承洪業霸治國土如法化民不枉萬姓擁護自身不豫他事終不侵陵他餘隣國^{聚一}隣國若故來討罰希能擒獲救攝貧民給施以財恭敬沙門婆羅門等常以淨手施衆生食口常宣唱與是人衣與是人食及與財寶愛護是人瞻視是人爾時菩薩常行如是善布施時隣國人民聞王功德悉

來歸化其土充滿間無空處猶如山頂暴漲之水流注溝坑谿澗深處亦如半月海水潮出其國外來歸化之民充滿側塞亦復如是其餘隣國漸失人民各生瞋恨即共集議當共往討作是議已尋嚴四兵來向其國爾時邊方守禦之人遠來白王隣國怨賊今已相逼猶如暴風黑雲惡兩王即告言卿等不應惱亂我心即說偈言

隣國所以來討我國正爲人民庫藏金寶快哉甚善當相施與我當捨之出家學道多有國王爲五欲故侵奪人民貯聚無厭當知是王命終之後即墮地獄畜生餓鬼是故我今不能爲身侵害衆生奪他財物以自免者爾時大臣及諸人民各作是言唯願大王莫便捨去臣等自能當禦此敵王且觀

之臣等今日當以五兵戟牟劔稍奮擊此賊足如暴風吹破雨雲王即答言咄哉卿等吾已久知卿等於吾生大愛護尊重恭敬亦知卿等勇健難勝雄猛武畧策謀第一但彼敵王今作此舉都不爲卿正爲吾耳假使彼來不損卿等何得乃生如是惡心吾久知此五盛陰身爲衆箭的卿不知耶吾久爲卿說諸菩薩應於衆生生一子想汝今不應於他衆生生瞋害心畢定當知墮于地獄是故應當一心修善當說是時賊已來至高聲大叫王聞聲已即問群臣此是何聲諸群臣寮各懷悲感舉聲哀號咸作是言惡賊無辜多害人民譬言如惡霑傷害五穀亦如猛火焚燒乾草又如暴風吹拔大樹又如師子殺害諸禽獸怨賊殺害亦復如是爾時諸臣不受王教即

各散出莊嚴四兵便逆共戰軍無主將尋即退散兵衆喪命不可稱計時王登樓說如是言因惡欲故令人行惡如是諸欲猶如死屍行廁糞穢如何爲此而行惡耶愚人貪國興諍競心猶如衆鳥競諍段肉是諸衆生常有怨憎謂老病死云何不自觀察是怨反更於他而生諍競一切施王思是義時敵國怨王即入宮中王於爾時便從水竇逃入深山至稠林中得免怨賊其地清淨林木種種華果無量不可稱計水清柔軟八味具足衆鳥鳩鴈禽獸難計王見是已心生歡喜復作是言吾今真實得離家過患無量衆生常爲老病死怖逼惱今得此處清淨安樂快不可言此林乃是修慈悲菩薩之所住處亦是破壞四魔之人堅固牢城我今已得清潔浣浴離衆垢

故我今與此衆鹿爲伴身心安隱極受上樂爾時怨王得其國已即便唱令求覓本王若有能得一切施王若殺若縛將來至此吾當重賞隨其所須一切給與以其先時常自稱讚能行正法些毀吾等暴虐行惡是故吾今欲得見之示其修善所得果報爾時他方有一婆羅門貧窮憔悴唯仰乞活遭遇官事無所恃賴聞王名字好行惠施即從其國來欲造詣乞求所須既於中路飢渴疲乏止息林中即便讚言是處寂靜聖人住處亦是神仙離欲之人求解脫者斷絕飲食不畜奴婢不乘車馬少欲知足食噉稗子諸根藥草大悲心者之所住處亦是一切飛鳥走獸無怖畏處自在天王爲令衆生見家過患故化是處爾時一切施王聞是語已心生歡喜便往見

之共相問訊便命令坐時婆羅門即便前坐坐已一切施王便以所有衆味甘果而奉上之既飽滿已王即問言大婆羅門是處可畏無有人民是中唯是閑靜修道之人獨住之處仁何緣來婆羅門言汝不應問我是事汝是福德清淨之人遠離家居牢獄繫縛何緣問我如是之事汝不應聞濁惡之聲若他犯我我則犯他若他奪我我則奪他喪失財賄親族凋零以在家故受如是事大德汝今已斷一切繫縛安住山林如大龍象自在無礙聚一十三

一切施菩薩即作是言汝今發言清淨柔軟何故不共於此住止婆羅門言若欲聞者我當爲汝具陳說之我本生處去此懸遠薄祐所致遇王暴虐猶如師子在鹿群中終無一念慈善之心我王暴虐亦復如是於諸人民

無有慈愍有罪無罪唯貨是從我從生來小
心畏慎曾無毫釐犯王憲制橫收我家繫之
囹圄從我責索金錢五十若能辦者我當赦
汝居家罪戾若不肯輸吾終不捨要當繫縛
幽執鞭撻尅日下期當輸金錢家窮貧苦無
由能辦曾聞此國一切施王好行惠施攝護
貪人所行惠施無有斷絕如春夏樹華果相
續亦如曠野清冷之水渴人過遇自恣飲之
猶如大會無人遮止我今畧說假使有人人
有千頭頭有千口口有千舌舌解千義欲歎
是王所有功德不能得盡彼王成就如是名
德我今居家遇王暴虐橫羅罪戾更無恃賴
故欲造詣陳乞所須然我心中常作此念我
今何時當到其所隨意乞求若彼大王必見
憐愍能給少多我家可得全其生命若不得

者我亦不久當復殞歿爾時菩薩聞是事已
心悶躋地猶如惡風崩倒大樹時婆羅門即
以冷水灑其王身還得蘇息時婆羅門復問
大仙汝聞我家受是苦惱心迷悶耶是中清
淨汝所愛樂能生悲心我今遇之尚無愁苦
聚一
汝今何緣生是苦惱王即答言汝本發意欲
造彼王是汝薄相正值不在汝今若往必不
得見故令我愁爾時婆羅門言爲何處去施
王答言有敵國王來奪其國位今者逃命在
空山林唯與禽獸而爲等侶時婆羅門聞是
語已尋復悶絕一切施王復以冷水灑之令
悟即慰喻言汝今可坐且莫愁苦婆羅門言
我於今日命必不全所以者何本所願求今
悉滅壞我何能起定當捨命一切施王爾時
即起慈悲之心作如是念可愍道士所願不

果譬如餓鬼遠望清水到已不獲心悶躰地是婆羅門亦復如是復更喚言咄婆羅門汝可起坐汝可起坐一切施王即我身是汝本欲見今得遇之何故愁苦婆羅門問王今善言慰喻於我有錢財耶王即答言我無錢財但有方便可能令汝大得珍寶婆羅門言云何方便王復答言我先聞彼怨家之王居我國已於大衆中唱如是言若有能得一切施王若斷其命檢繫將來吾當重賞隨意所須我從昔來未曾教人行於惡法是故不令汝斬我頭但以繩縛送詣彼王所以者何除身之外更無錢財然我此身今得自在幸可易財以相救濟善哉善哉婆羅門吾今得利以不堅身易得堅身道士且觀設使我身在此命終屍棄曠野草木無異雖有禽獸而來食

噉爲何所利今以如此灰土之身貿易乃得真金寶物我復何情而當惜之時婆羅門聞是語已悲涕而言何有此理所以者何汝今乃是無上調御衆生父母善爲愛護大歸依處能滅一切無量衆生所有怖畏所作廣大不望相報於諸衆生常生憐愍能於閻世作大庭燎我當云何破滅正法繫縛汝身送怨王耶假使將王至彼怨所獲得金寶我復何心舒手受之假使受者手當落地譬如男子爲長養身噉父母肉是人雖得存濟生命與死何異我亦如是設縛王身將送彼怨雖多得財以贖家居我所不貴時王答言如此之言復何足計汝若於我必生憐愍我自束縛隨汝後行詣彼怨家汝無罪咎我可得福婆羅門言敬如王命當隨意作說是語已王即

自縛共婆羅門相隨至城其王舊臣及諸人
民當見王時悉生驚怪咄婆羅門汝是羅刹
非婆羅門汝是羅刹非婆羅門汝本實是暴
惡鬼神奸僞詐現婆羅門像無有悲心真是
死魔常求殺人汝今令此王身滅沒猶如月
蝕七日並照大海乾竭無上法燈今日盡滅
旃陀羅種汝今云何手不落地汝身何故不
陷入地如師子王已死之後誰不能害是一
切施王久已遠離國城妻子倉庫珍寶一切
諍競退入深山修寂滅行於汝何怨而將來

此舉城人民同聲願言諸大仙聖護世四王

願加威神擁護是王令全生命時婆羅門聞
是語已心生怖畏將一切施疾至王所作如
是言大王當知我今已得一切施王怨王見
已心即生念是王年壯身體殊好容貌端正

其力難制是婆羅門年在衰弊形容枯悴顏
貌醜惡其力無幾云何能得是王將來竊復
生念將非梵王自在天王那羅延天釋提桓
因四天王耶怨王即問誰爲汝縛婆羅門言
我自縛之怨王咄言遠去癡人復更問言汝
將非以呪術之力而繫縛耶汝身羸劣彼身
端嚴猶如帝釋云何能繫縛假使有人自言
能吹須彌山王令如碎末是可信不爾時怨
王即告大臣汝等當知今此難事爲是夢中
是幻化耶將非我心悶絕失志錯謬見于是
老獮猴云何能縛帝釋身耶諸臣當知豈可
以藕根中絲懸須彌山耶可以免身度大海
耶可以蚊觜盡海底耶時婆羅門聞是語已
即向怨王而說偈言

大王今當知 我實不能縛 是王慈悲故

聚一
十七

爲我而自來 如以網盛風 是事爲甚難

正使天帝釋 亦復不能爲

爾時怨王即向一切施王說如是言汝以畏我故入深山谿谷林木空曠之處唯與禽獸共相娛樂少欲知足飲水食果以草爲敷不與我諍然我怨心猶未得滅我今自在能相誅戮以何因緣來至此耶爾時一切施王嬉怡微笑無有畏懼身心容豫如師子王作是言汝不知耶我身即名一切施王我欲成就本誓願故今來在此有三因緣一者爲婆羅門而求錢財二者以汝先募若得我身將來此者當重賞之三者我先誓願當一切施是故我來欲捨身命汝今當觀若我此身命終入地爲何所益我本所以逃入山林非以畏故但爲愛護諸衆生耳汝今自在怨心未

滅我今來此隨意屠割而得除怨心則安隱是故汝今應早爲之即說偈言

於怨生瞋恨 則自焦其心 譬如灰下火猶能燒萬物 因心著瞋恚 命終墮地獄猶如惡毒箭 中則身命滅 若瞋於怨憎心不得寂靜 譬如病目者 不能見正色此身肉血成 薄皮裹其上 是身如行廁骨髓肪膏腦 屢尿湧唾等於王有何怨 而常生瞋恚 生老病死賊常來侵王身 何故於是中 反生親友想我身四大成 王身亦復然 今若見瞋者是則爲自瞋

是故大王不應生瞋若故瞋者今得自在幸可隨意早見屠戮先所開募可賞是人我今必定捨命不悔以是因緣願諸衆生能一切

施及得捨名爾時怨王聞是語已從御座起
合掌敬禮一切施王作如是言唯願大王還
坐本座汝是法王正化之主我是羅刹暴惡
之人汝是世燈爲世父母我是世間弊惡大
賊專行惡法劫奪他財汝是法稱正法明鏡
我非法稱常欺誑他猶如盲人不自見過如
我等輩罪過深重是身久應陷入此地所以
遷延得至今日實賴仁者執持故耳今捨此
地及以己身奉施仁者一切施王即爲怨王
廣說法要令其安住於正法中大以財寶與
婆羅門遣還本土菩薩摩訶薩如是修行檀
波羅密時尚捨如是所重之身況復外物所
有財寶

僧伽斯那所撰菩薩本緣經卷第一

音釋

陁	陁侯夾	切	抖擞	抖音斗	擞	音叟	駛	蹠士	切
褰	褰即委也	切	囂	囂音銀	纂	紹管作	纏	也	憤
初	初觀切	也	蒙	蒙也	繆	纏也	古對切	也	古對切
施	施梯也	也	澡	澡音早洗	罐	罐也	纏也	心亂也	嚦
梯	梯也	也	濯	濯音汲水	器	器也	纏也	也	也
也	也	也	圖	圖音陵	圖	圖也	纏也	也	也
也	也	也	圖	圖音圓	圖	圖也	纏也	也	也
也	也	也	圖	圖音獄	圖	圖也	纏也	也	也
也	也	也	圖	圖音肪	圖	圖也	纏也	也	也
也	也	也	圖	圖音方	圖	圖也	纏也	也	也